

全
唐
詩

全

唐

詩

全唐詩目 第九冊

第九冊

皮日休 九卷

史記

冊

目

全唐詩

皮日休

皮日休字襲美一字逸少襄陽人性傲誕隱居鹿門自號間氣布衣咸通八年登進士第崔璞守蘇辟軍事判官入朝授太常博士黃巢陷長安僞署學士使爲讖文疑其譏已遂及禍集二十八卷今編詩九卷

補周禮九夏系文

并序

周禮鍾師掌金奏凡樂事以鐘鼓奏九夏案鄭康成注云夏者大也樂之大者歌有九也九夏者皆詩篇名也頌之類也

一作九夏者皆詩篇銘頌之類也

此歌之大者載在

樂章樂崩亦從而亡是以頌不能具也嗚呼吾觀

之魯頌其古也亦久矣九夏亡者吾能頌乎夫大
樂既去至音不嗣頌於古不足以補亡頌於今不
足以入用庸可一作何頌乎頌之亡者俾千古之下鄭
衛之內窈窕一作窈窕冥冥不獨有大卷音華黃帝樂名之音者乎

九夏歌九篇

王夏之歌者王出入之所奏也

四章章四句

燾燾皎日歆麗于天厥明御舒如王出焉

燾燾皎日歆入于地厥晦厥貞如王入焉

出有龍旂入有珩珮勿驅勿馳惟慎惟戒

出有嘉謀入有內則繫彼臣庶欽王之式

肆夏之歌者尸出入之所奏也

二章章四句

愔愔清廟儀儀象服我尸出矣迎神之穀
杳杳陰竹坎坎路鼓我尸入矣得神之祐

昭夏之歌者牲出入之所奏也

二章章四句

有鬱其鬯有儼其彝九變未作全乘來之

既醑既酢爰

音孕一作暢

舞象物既降全乘之去

納夏之歌者四方賓客來之所奏也

四章章四句

麟之儀儀不繫不維樂德而至如賓之嬉

鳳之愉愉不篝不斂樂德而至如賓之娛

自筐及筥我有牢醑自筐及篚我有貨幣

我牢不愆我貨不匱碩碩其才有樂而止

章夏之歌者臣有功之所奏也

四章章四句

王有虎臣錫之鈇鉞征彼不悛一撲而滅

王有虎臣錫之圭瓚征彼不享一烘而泮

王有掌訝音偵爾疆理王有掌客饋爾饗餼

何以樂之金石九奏何以錫之龍旂九旒

齊夏之歌者夫人祭之所奏也

一章四句

璽璽衡筭一作鞶翟自內而祭爲君之則

族夏之歌者族人酌之所奏也

二章四句

洪源誰孕疏爲江河大塊孰埏播爲山阿

厥流浩漾一作漾厥勢嵯峨今君之酌慰我實多

械與陔同一作械夏之歌者賓既出之所奏也

三章三句

禮酒既酌嘉賓既厚牘爲之奏

禮酒既竭嘉賓既悅應爲之節

禮酒既罄嘉賓既醒一作醒雅爲之行

禮應雅三樂器也賓醉而出奏箴夏以此三器築地爲之行事也

驚夏之歌者公出入之所奏也

二章章四句

桓桓其珪袞袞其衣出作二伯天子是毗
桓桓其珪袞袞其服入作三孤國人是福

三羞詩三首

并序

丙戌歲日休射策不上東退於肥陵出都門見朝
列中論犯當權者得罪南竄卯詔辰發持法吏不
容一息留私室視其色若將厭祿位悔名望者皮
子闕之惘然泣衄然羞故作是詩以贖之

吾聞古君子介介勵其節入門疑儲宮撫已思鉄鉞志

一作忠者若不退佞者何由達君臣一殽膳家國共殘殺此
道見於今永思心若裂王臣方蹇蹇佐我無玷缺如何
以謀計中道生芽蘖憲司遵故典分道播南越蒼惶出
班行家室不容別玄鬢行爲霜清淚立成血乘遽劇飛
鳥就傳過風發嗟吾何爲者叨在造士列獻文不上第
歸于淮之汭蹇蹄可再犇退羽可後歇利則侶軒裳塞
則友松月而於方寸內未有是愁結未爲祿食仕俯不
媿梁糲未爲冠冕人死不慙忠烈如何有是心不能叩
丹闕赫赫負君歸南山采芝蕨

日休旅次於許傳舍聞叫咷之聲動於城郭問於
道民民曰蠻圍我交趾奉詔徵許兵二千征之其

征且再有戰皆沒其哭者許兵之屬嗚呼楊子不
云夫朱崖之絕捐之之力也否則介鱗易我衣裳
其是之謂耶皮子爲之內過曰吾之道不足以濟
時不可以備位又手不提桴鼓身不被兵械恬然
自順恬然自樂吾亦爲許師之罪人耳作詩以弔
之

南荒不擇吏致我交趾覆縣聯三四年流爲中夏辱懦
者鬪即退武者兵則黷軍庸滿天下戰將多金玉刮則
齊民癰分爲猛士祿雄健許昌師忠武冠其族去爲萬
騎風住作一川肉昨朝殘卒回千門萬戶哭哀聲動閭
里怨氣成山谷誰能聽晝輦不忍看金鐵吾有制勝術

不奈賤碌碌貯之曾臆間慙見許師屬自嗟胡爲者得
躡前修躡家不出軍租身不識部曲亦衣許師衣亦食
許師粟方知古人道蔭我已爲足念此向誰羞悠悠潁
川綠

丙戌歲淮右蝗旱日休寓小墅於州東下第後歸
之見潁民轉徙者盈途塞陌至有父捨其子夫捐
其妻婦哭立旬朝去夕死嗚呼天地誠不仁耶皮
子之山居櫬有襲鍤有炊晏眠而夕飽朝樂而暮
娛何能於潁川民而獨享是爲將天地遺之耶因
羞不自容作詩以唁之

天子丙戌年淮右民多飢就中潁之汭轉徙何累累夫

婦相顧亡棄却抱中兒兄弟各自散出門如大癡一金
易蘆蔔一縑換鳧茈荒村墓鳥樹空屋野花籬兒童齧
草根倚桑空羸羸斑白死路傍枕土皆離離方知聖人
教於民良在斯厲能去人愛荒能奪人慈如何司牧者
有術皆在茲粵吾何爲人數畝清溪湄一寫落第文一
家歡復嬉朝食有麥饘晨起有布衣一身旣飽暖一家
無怨咨家雖有畎畝手不秉鉞基歲雖有札瘥庖不廢
晨炊何道以致是我有明公知食之以侯食衣之以侯
衣歸時卹金帛使我奉庭闈撫已媿頑民奚不進德爲
因茲感知已盡日空涕洟

七愛詩

并序

皮子之志常以真純自許每謂立大化者必有真
相以房杜爲真相焉定大亂者必有真將以李太
尉爲真將焉傲大君者必有真隱以盧徵君爲真
隱焉鎮澆俗者必有真吏以元魯山爲真吏焉負
逸氣者必有真放以李翰林爲真放焉爲名臣者
必有真才以白太傅爲真才焉嗚呼吾之道時耶
行其事也在乎愛忠矣不時耶行其事也亦在乎
愛忠矣苟有心歌詠者豈徒然哉

房杜二相國

玄齡
如晦

吾愛房與杜貧賤共聯步脫身拋亂世策杖歸真主縱
橫握中算左右天下務翫麟無敵才磊落不世遇美矣

名公卿魁然真宰輔黃閣三十年清風一萬古巨業照
國史大勲鎮王府遂使後世民至今受陶鑄粵吾少有
志敢躡前賢路苟得同其時願爲執鞭豎

李太尉

晟

吾愛李太尉崛起定中原驍雄十萬兵四面圍國門一
戰取王畿一叱散妖氛乘輿旣反正兇豎爭亡魂巍巍
柱天功蕩蕩蓋世勲仁於曹孟德勇過霍將軍丹券入
帑藏青史傳子孫所謂大丈夫動合驚乾坤所謂聖天
子難得忠貞臣下以契魚水上以合風雲百世必一亂
千年方一人吾雖翰墨子氣槩敢不羣願以太平頌題
向甘泉春

盧徵君 鴻

吾愛盧徵君高臥嵩山裏百辟未一顧三徵方暫起坦
腹對宰相岸幘揖天子建禮門前吟金鑾殿裏醉天下
皆鋪糟徵君獨潔已天下皆樂聞徵君獨洗耳天下皆
懷羞徵君獨多恥銀黃不妨懸赤紱不妨被而於心抱
中獨作羲皇地籃輦一云返泥詔褒不已再看緱山雲
重酌嵩陽水放曠書裏終逍遙醉中死吾謂伊與周不
若徵君貴吾謂巢與許不若徵君義高名無階級逸迹
絕涯涘萬世唐書中逸名不可比粵吾慕真隱強以骨
肉累如教不爲名敢有徵君志

吾愛元紫芝清介如伯夷輦母遠之官宰邑無玷疵三
年魯山民豐稔不暫饑三年魯山吏清慎各自持只飲
魯山泉只采魯山薇一室冰檠苦四遠聲光飛退歸舊
隱來斗酒入茅茨雞黍匪家畜琴尊常自怡盡日一菜
食窮年一布衣清似匣中鏡直如琴上絲世無用賢人
青山生白髭旣臥黔婁衾空立陳寔碑吾無魯山道空
有魯山辭所恨不相識援毫空涕垂

李翰林

白

吾愛李太白身是酒星魄口吐天上文迹作人間客磔
柯千丈林澄澈萬尋碧醉中草樂府十幅筆一息召見
承明廬天子親賜食醉曾吐御牀傲幾觸天澤權臣妬